



**Francisci Monacelli Eugubini J. U. D. Protonotarii
Apostolici, olim Ecclesiæ Venusinæ, ac deinde Æsinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

Monacellus, Franciscus

Venetiis, 1706

Titulus III. De collatione Ordinum, & requisitis.

[urn:nbn:de:hbz:466:1-62406](https://nbn-resolving.org/urn:nbn:de:hbz:466:1-62406)

ADNOTATIONES.

1 SUB EODEM TECTO. Duo Beneficia simplicia, sive difformia, sive similia, & uniformia sint, dummodò non incompatibilia, conferri possunt sub eodem tecto ab Episcopo, & absque alia Papæ dispensatione retineri, dummodò quodlibet de per se ad sustentationem provisi non sit sufficiens, sic declaravit Sac. Cong. Concil. in Alexandrina 17. Junii 1630. his verbis -- *Inherendo declarationibus alijs factis, censuit facultatem dispensandi super duobus Beneficijs sub eodem tecto quam habet Episcopus ex dispositione juris communis, non esse sublatam à Conc. Trid. c. 17. sess. 24. dummodò quodlibet de per se non sit sufficiens ad sustentationem provisi;*

Et ita censuit in Casenat. 20. Decemb. 1631. Et in Assisen. in qua exponebatur -- Sacerdos Laurentius Ugolinus possidens Beneficium simplex in Ecclesia Cathedrali annui redditus scutorum quatuor cum dimidio &c. fuit presentatus ad Cappellaniam in eadem Ecclesia Cathedrali erectam ad Altare Crucifixi annui redditus scut. 15. cum onere &c. sed quia eidem institutionem denegat Epif-

copus sub dubio, quod Orator nequeat duo Beneficia uniformia sub eodem tecto absque dispensatione retinere, supplicat idem Orator declarari dicta duo Beneficia non esse uniformia, neque incompatibilia, & posse ab ipso absque dispensatione retineri -- Die 12. Januarii 1697. Sac. Congr. censuit Oratorem nulla indigere dispensatione. Et tradunt communiter Januen. prax. Cur. Archiep. Neap. cap. 64. n. 5. ex doctrina Feilin. in cap. Ex parte il 2. n. 3. de rescript. Tondut. quest. Benef. tom. 1. part. 2. c. 5. §. 6. n. 6. 7. & 8. Navar. conf. 16. de Præb. lib. 3. Barbol. de Offic. & Potest. Episc. alleg 62. num. 17. Panimol. decis. 31. per tot.

2 NON SIT SUFFICIENS. Duo tantum Beneficia, si insufficientia sint ad sustentationem provisi, confert Episcopus sub eodem tecto, non autem plura, quamvis difformia, & insufficientia, ut advertit Januen. loc. cit. n. 6. & declaravit Sac. Cong. Concil. in Aquilana 14. Aug. 1632. -- *Episcopum habenti unum simplex Beneficium non sufficiens ad illius sustentationem, posse aliud simile conferre, sed non posse plura, quamvis simplicia, usque ad ejus sufficientem sustentationem eidem conferre.*

T I T U L U S III.

De collatione ordinum, & requisitis.

Edicti de ordinatione habenda.

FORMULA I.

SUMMARIUM.

- 1 *Superiores Regulares dimissorias Subditis concedunt ad solum Episcopum Diocesani Monasterii, in cujus familia ordinandus reperitur.*
- 2 *Regulares ordinandi tenentur exhibere solum litteras dimissorias.*
- 3 *Ordinationes sacrorum ordinum debent celebrari in Ecclesia Cathedrali, & non in Cappella Palatii Episcopalis.*
- 4 *Qui natus, & educatus fuit inter Ca-*

tholicos, presumitur baptizatus, & potest ordinari etiam sine fide baptismatis.

- 5 *Nato in partibus Hæreticorum ex Conjugibus Catholicis non possunt denegari dimissorie ex motivo deficientiæ fidei baptismatis. Idem tenentur de confirmatione, & n. 6.*
- 7 *Episcopus dispensat cum illegitimis ad ordines minores.*
- 8 *Requisita ordinandorum juxta diversitatem Diocesum variantur.*
- 9 *Episcopus potest, sed non tenetur examinare Exteros ordinandos, qui habent testimonium proprii Episcopi de eorum idoneitate.*

N. Epi-

N. Episcopus. N.

Universis, & singulis etiam Regularibus intra nostræ Diœcesis, & jurisdictionis fines commorantibus tenore præsentium notificamus, qualiter Nos sacram Ministrorum Dei ordinationem, quæ statutis anni temporibus ad Sacrorum Canonum præscriptum fieri debet, die Sabbathi Quatuor Temporum post primam Dominicam Quadragesimæ, quæ erit die mensis Martii currentis anni Divina favente Clementia, generalem ordinationem in nostra Cathedrali solemniter habituri sumus. Propterea qui ad singulos sacros majores ordines promoveri cupiunt, per mensem ante coram Nobis desiderium exponant ad præscriptum *Sac. Conc. Trid. sess. 23. c. 5. de Reform.* & deindè in hebdomada post Dominicam Sexagesimæ, quæ erit Qui verò ad primam Clericalem Tonsuram, sive minores ordines admitti cupiunt, se coram Nobis hìc in Civitate, & RR. DD. *Examinatoribus nostris* constituent ab hora . . . usque ad occasum solis Feriæ quartæ, quintæ, & sextæ infra hebdomadam dictorum Quatuor Temporum, secumque unusquisque deferat attestationes unicuique ordini suscipiend. necessarias, prout infra continetur, ad effectum se examini subji-ciendi, ut investigatis singulis respectivè *ætate*, moribus, litteratura, *natalibus*, aliisque *requisitis*, *habiles ad id repertos* admittere possimus. Quamobrem mandamus omnibus Parochis Civitatis, & Diœcesis, ut præsens Edictum inter Missarum solemnia primo Dominico die publicè recitent vernacula lingua, ac promulgatum ad valvas Ecclesiæ affigant, & reliqua, quæ in eodem Edicto continentur, adimpleant sub pœnis arbitrio infligendis. Datum, &c.

N. Episcopus N.

Loco ✠ Sigilli.

N. Cancellarius Episcopalis.

Requisita Ordinandorum sunt.

Pro prima Tonsura.

- 1 Fides Baptismi pro ætate septem annorum, *c. in singulis 77. dist.*
- 2 Fides confirmationis, *Trid. sess. 23. cap. 4. de Reform.*
- 3 Examen Testium super legitimis natalibus, vita, & moribus.
- 4 Fides Magistri Scolæ.
- 5 Fides Parochi de vita, & moribus, & Doctrinæ Christianæ frequentatione.
- 6 Examen, & approbatio.
Pro Regno Neapoli.
- 7 Fides Parochi de publicatione nominis, ætatis, cognominis, deside-

rii, & originis promovendi.

- 8 Dimissoriæ directæ uni, & certo Ordinario cum expressione præfatas diligentias præcessisse, ex Decreto *Sac. Congr. Deputatæ jussu Greg. XV. 22. Junii 1623.*

Pro Ultramontanis.

- 9 Dimissoriæ sint recognitæ à Nunciis Apostolicis, & deindè in Curia ex *Bulla Urban. VIII. Constitut. 33. secretis.*

Pro Ordinibus Minoribus.

- 1 Fides, seu Testimoniales de Tonsura, & Ordine jam suscepto.

F 2 2 Fi-

- 2 Fides Magistri Scholæ, necnon servitii præstiti Ecclesiæ, cui sunt adscripti, & Doctrinæ Christianæ frequentationis, nisi absit causa studiorum.
- 3 Fides Parochi de vita, & moribus, habitus Clericalis gestatione, & de frequenti perceptione communionis.
- 4 Pro Accolitu fides ætatis 12. ann.
- 5 Examen, & approbatio.
- 6 Si ordinandus sit exterus, litteræ dimissoriæ etiam pro prima Tonsura contineant causam, ob quam à proprio Episcopo ordinari non possit, aliàs non admittetur, *Concil. Trid. sess. 7. cap. 11. de Reform.*

Pro Subdiaconatu.

- 1 **B**eneficium, vel Pensio Ecclesiastica, vel Patrimonium annui redditus scut. . . . quod jure realiter, & pacificè possideatur, *Trid. sess. 21. cap. 2. de Reform.*
- 2 Attestatio Parochi de publicatione Patrimonii (pro his, qui ordinantur ad hunc titulum) inter Missarum solemnias, necnon nominis, & desiderii personæ ordinandæ.
- 3 Testimonialis de ultimo ordine minori suscepto anno jam elapso, nisi utilitas, vel necessitas Ecclesiæ aliud suadeat.
- 4 Fides de ætate viginti duorum annorum inceptorum.
- 5 Fides de ordinum jam susceptorum exercitio, servitio Ecclesiæ, cui est adscriptus, præstito, & Clericalis habitus, & Tonsuræ gestatione.
- 6 Fides Parochi de vita, & moribus, Doctrinæ Christianæ, ac Communionis frequentatione.
- 7 Fides de Exercitiis spiritualibus in loco destinato peractis, ex Decret. *Sac. Cong. Episc. & Regul. jussu san. mem. Innoc. XI. 9. Octobris 1682.*

Pro Diaconatu.

- 1 **T**estimonialis de ordine Subdiaconatus suscepto.
- 2 De denunciationibus factis in Parochia.

- 3 De ætate viginti trium annorum inceptorum.
- 4 De Subdiaconatus exercitio, & servitio Ecclesiæ, cui est adscriptus præstito, ac Clericalis habitus, & Tonsuræ gestatione.
- 5 De vita, & moribus, Doctrinæque Christianæ, & Sacræ Communionis frequentatione.
- 6 De pacifica possessione, & fructuum perceptione Beneficii, seu Pensionis, seu Patrimonii, ad quod, seu quam petit ordinari.
- 7 De Exercitiis spiritualibus in loco destinato peractis.

Pro Presbyteratu.

- 1 **T**estimonialis de ordine Diaconatus suscepto.
- 2 De denunciationibus in Parochia.
- 3 De ætate 25. annorum inceptorum.
- 4 De exercitio ordinis Diaconatus, servitio Ecclesiæ, cui est adscriptus, & Clericalis habitus, & Tonsuræ gestatione.
- 5 De vita, & moribus, Doctrinæ Christianæ, ac Communionis frequentatione.
- 6 De pacifica possessione, & fructuum perceptione tituli, ad quem petit ordinari.
- 7 De Exercitiis spiritualibus in loco destinato peractis.

Idem N. Cancellarius Episcopalis.

Promoveri non Possunt.

- Non baptizati, *cap. Veniens de Presbyt. non baptiz.*
 Illegitimi, *cap. Presbyter 56. dist.*
 Minores natu, *c. Qui in aliquo 51. dist.*
 Non confirmati, *Conc. Trid. sess. 23. c. 4. de Reform.*
 Neophiti, *d. c. Qui in aliquo, & c. Quoniam 48. dist.*
 Uxorati, *Extrav. Jo. XXII. antiquæ &c.*
 Bigami, *cap. Si quis 33. dist. & tot. tit. de big. non ord.*

Cri-

Criminosi, *cap. Laici dist. 33. Conc. Trid. sess. 14. cap. 7. de Reform.*
 Infames, *cap. Infames 6. quæst. 1.*
 Publicis rationibus impliciti, *cap. Legem 534 dist.*
 Servi, *c. De Servorum, de ser. non ordin. Eunuchi, cap. Si quis 55. dist.*
 Corpore vitiati, *c. Illitteratos 36. dist.*
 Insigniter deformes, *cap. fin. 51. dist.*
 Amentes, & furiosi, *d. c. Qui in aliquo.*
 Energumeni, *c. Communiter 33. dist.*
 Peregrini, & ignoti, *d. c. Qui in aliquo.*
 Ebrietati, & gulæ dediti, *cap. 23. de vit. & honest. Cler.*
 Usurarii manifesti, *c. Episcopus 47. dist.*
 Rudes, & ignari, *Concil. Trid. sess. 23. per tot.*
 Irregulares, *c. Sæpè de temp. ord. in sexto.*
 Suspensi.
 Interdicti.
 Excommunicati.
 Morbo comitiali laborantes.
 Lanii, Cauponæ, Mimi, Histriones.
 Qui sæva exercuit, vel denunciavit. secunda pœna, vel mutilatione.
Cap. Communiter, cap. Clerici dist. 33. cap. unico de vit. & honest. Cleric. in sexto, Clem. 1. eod. tit. cap. His quis 23. quæst. 8. cap. Sententia sanguinis nê Cleric. vel Monach. c. Ex Litteris de excess. prælat.

ADNOTATIONES.

I ETIAM REGULARIBUS. Superiores Regulares dimissorias eorum Subditis concedere non possunt ad Episcopum originis, sed tantum ad Diocesenum illius Monasterii, in cujus familia ordinandus positus est, ut mandat Decret. Clem. VIII. editum 15. Maii 1596. quod referunt Pac. Jord. tom. 1. lib. 3. tit. 6. n. 23. Nicol. in fosc. verb. Regul. n. 34. Lantusch. Theatr. Regul. verb. Ordo.
 2 Regulares tamen ordinandi non tenentur exhibere attestaciones ætatis, Parochi, nec Magistri Scholæ, sed quoad hæc, & alia requisita sufficit testimonium suorum Superiorum, Barbos. supra Conc. sess. 23. cap. 5. Nicol. lucubr. Can. lib. 1. tit. 11. post n. 32. vers. denique.
 3 IN NOSTRA CATHEDRALI. Ordinationes generales, præsertim si confestim

rantur Sacri Ordines, debent celebrari in Ecclesia Cathedrali, non autem in Cappella Palatii Episcopalis, prout nonnulli Episcopi per abusum faciunt contra expressam Concilii dispositionem, quam servandam esse declaravit Sac. Congregat. Concil. apud Garz. de benef. par. 8. cap. 1. n. 77. Sac. Congr. Episc. apud Fagnan. in c. Ordinando n. 45. de Simon. & Sac. Congr. Rituum in Laynen. 9. Jan. 1696. referente Eminentiss. Card. Colloredo.

4 ÆTATE. Si ordinandus ad probandam ætatem fidem Baptismatis non haberet, & agatur de nato ex Parentibus Catholicis, & fideliter inter hos conversatis, præsumitur baptizatus, & hæc sola præsumptio habetur pro veritate, & certitudine, ad Text. in c. veniens in fin. de Presbyter. non baptiz. & ideo posset ordinari, dummodò non adessent probationes in contrarium eum non fuisse baptizatum, Nicol. in fosc. verb. Dimissoria n. 5.

5 Immò quod etiam nato in partibus Hæreticorum ex Parentibus tamen Catholicis, non possint denegari dimissoriæ ex motivo deficientiæ fidei baptismatis respondit Sac. Congr. Episc. in Lahden. 30. Augusti 1619.

6 Et quod dicitur de fide Baptismatis idem teneas quoad Confirmationem, nam si non constaret, quem fuisse confirmatum, sufficit juramentum confirmati reminiscens, & asserens se hoc Sacramentum recepisse, si aliter probari non posset, Nicol. lucubr. Can. lib. 1. tit. 11. de qualis. ordin. n. 4.

7 NATALIBUS. Cum illegitimis Episcopus dispensat quoad Ordines Minores vigore cap. 1. de fil. Presbyter. in 6. Piafec. prax. Episcop. part. 1. cap. 1. art. 10. n. 15.

8 Requisita Ordinandorum non sunt semper eadem in omnibus Diocesisibus, quia præter præscripta à Sac. Canonibus, & Concil. Trident. aliquando Episcopi illa exigunt pinguiora, prout eis magis in sensu suo expedire, & proficia esse arbitrantur. Aliqui enim etiam extra Regnum Neapolis volunt, quod pro prima Tonsura fiant proclamationes in Ecclesia Parochiali, & quod initiandi deferant attestaciones Fori Sæcularis, quod nullo unquam tempore fuerint inquisiti

criminaliter de delicto. Alii verò exigunt, quod Ordinandi in Sacris deferant attestaciones de frequentatione collationum casuum conscientiarum. Alii denique requirunt in Ordinibus Sacris peritiam Cantus Gregoriani, de quibus requisitis habetur sparsim in *Synodibus Farsensi de anno 1686. Albanensi 1689. Aesino, & Casenatensi 1695. ac Hostiensi 1699. Typis editis.*

9 **HABILES AD ID REPERTOS.**
Hæc clausula debet verificari in Subditis Ordinandis: Exteri enim, qui Ordines suscipere cupiunt, non est necesse, quod examinentur, dummodo in litteris dimissorialibus à suis Ordinariis quoad litteraturam, & idoneitatem approbentur. Quidquid etenim olim dixerint DD. de hoc, an scilicet Ordinans tene-

retur exteros iterum examinare, non obstante approbatione proprii Ordinarii necne? & affirmativam sententiam in praxi tenendam esse opinetur Pac. Jord. *lucubr. tom. 1. lib. 6. num. 17. & trib. seqq.* hodie contraria sententia verior est; quam amplexa fuit *Sacr. Congregat. Concilii in Verulana 17. Januarii 1693.* in qua exposito Dubio -- *Episcopus Verulanus ad conscientiam suam serenitatem supplicando refert: Cum sæpè contigat, quod mihi offerantur Ordinandi alieni Subditi, prævia exhibitione litterarum Dimissorialium proprii Episcopi attestantis eorum litteraturam, & idoneitatem, quero -- An ipse teneat dictos Ordinandos iterum examinare super dictis litteratura, & idoneitate? Sacr. Congreg. respondit -- Non teneri, sed posse.*

Litterarum Testimonialium Parochi de requisitis pro prima Tonsura.

F O R M U L A II.

Ego infra-scriptus Parochus Ecclesiæ N. præsentibus litteris medio juramento testor N. qui ad primam Tonsuram Clericalem promoveri cupit, in anno ætatis . . . constitutum, filium legitimum, & naturalem N.N. Conjugum ex mea Parochia fuisse baptizatum sub die . . . ut constat ex libro Baptizatorum dictæ meæ Parochiæ, in quo sic habetur (*hic ponantur ipsamet verba libri.*)

Item testor fuisse confirmatum ab N. nostro Episcopo (sive ab Episcopo N. de licentia) prout liquet ex libro Confirmatorum ejusdem Parochiæ, in quo sic habetur (*& hic ponantur verba libri.*)

Item morum, & vitæ integritate commendari, diebusque Dominicis Doctrinam Christianam frequentasse. In quorum &c. Datum &c.

Ego N. Parochus Ecclesiæ S. N.

Si autem attestatio est facienda in Regno Neapolis, aut in alio loco, in quo vigore Synodi, vel Ediæti Episcopi debent fieri proclamationes, addenda erunt in fine sequentia verba -- *meque denique die festo inter Missarum solemniam nomen, & desiderium ejus in mea Parochiali Ecclesia denunciasse, nec quemquam de populo hæc re per me requisito, & admonito ullum impedimentum opposuisse.*

Quando autem Rector, vel Parochus, aut Archipresbyter non potest de omnibus unica attestacione fidem facere, tunc testetur per scripturas separatas, prout infra.

Ego infra-scriptus Archipresbyter Plebis N. testor N. in . . . ætatis anno constitutum, filium legitimum, & naturalem N.N. Conjugum ex hac mea Paro-

Parochia fuisse baptizatum sub die . . . prout constat ex libro Baptizatorum hujus Parochiæ, in quo sic habetur, (*& ponantur ipsamet verba libri*) in cujus fidem præsentès litteras, etiam medio juramento, manu propria subscripsi, & sigillo meo munivi Die . . .

Ego N. Archipresbyter Ecclesiæ Parochialis N.

Vel dicat --- Testor me in libro, in quo descripti sunt Baptizati ex mea Parochia adinvenisse hujus natalis memoriam, his verbis ad notatam videlicet &c.

Litterarum Testimonialium de Sacramento Confirmationis.

F O R M U L A III.

EGo infra-scriptus Archipresbyter Ecclesiæ Parochialis N. Testor N. Sacramentum Confirmationis suscepisse ab Illustris. & Reverendis. D. N. Episcopo, prout constat ex libro Confirmatorum hujus meæ Parochiæ, in quo sic scriptum habetur, (*& ponantur verba libri*) in cujus fidem has præsentès litteras medio juramento manu propria subscripsi, & sigillo meo munivi hac die . . .

Ego N. Archipresbyter Ecclesiæ Parochialis N.

Litterarum Testimonialium de vita, & moribus, & Doctrinæ Christianæ frequentatione.

F O R M U L A IV.

EGo infra-scriptus Archipresbyter Plebis N. testor quantum humana fragilitas nosse sinit N. ex mea Parochia esse honestis moribus, bonæque famæ, diebusque Dominicis, & festis Doctrinam Christianam frequentasse, & frequentare. In quorum fidem has præsentès litteras etiam medio juramento manu propria subscripsi, & sigillo meo munivi. Datum &c.

Ego N. Archipresbyter &c.

Denunciationis faciendæ à Parocho inter Missarum solemnias promovendo ad primam Tonsuram.

F O R M U L A V.

S U M M A R I U M.

- 1 *Prima Tonsura potest conferri illi, qui habet requisita Concilii, licet ob aliquod impedimentum non Canonicum non valeat ascendere ad alios Ordines.*
- 2 *Subditi tenentur revelare Episcopo præcipienti ea, quæ tendunt in damnum Communitatis fidei, & publici boni.*

Desiderando N. di questa Parochia essere ascritto alla militia Clericale con pigliare la prima Tonsura, se alcuno sapesse ch'egli haveffe canonico impedimento, per il quale non potesse ascrivervi nella detta militia, come per esempio se non fosse cresmato, fosse scomunicato, interdetto, irregolare, inquisito, processato, condannato, ovvero haveffe *altro impedimento personale*, o difetto, debba per carità, & *in virtù di santa ubbidienza* rivelarlo a me in termine d'otto giorni; accioche non trovandosi alcuno de' sudetti impedimenti possa pigliare la prima Tonsura.

ADNOTATIONES.

1 **O** *ALTRÒ IMPEDIMENTO*. Prima Tonsura potest conferri illi, qui habet requisita *cap. 4. sess. 23. de Reform.* licet ob aliquod impedimentum non canonicum non possit ascendere ad alios Ordines, & non obstante *cap. 11. ejusdem sess.* quia Concilium ibi loquitur de quatuor Ordinibus minoribus tantum, ut advertit Barbof. *in Sum. decis. Apostol. collect. 598. num. 1.*

2 *IN VIRTU DI SANTA UBBI-*

DIENZA. In publicatione Edictorum, quæ continent hanc clausulam, Parochus, sive Curatus populo explicare curabit, quod hujus clausulæ, seu præcepti vigore, tam mares, quam femine tenentur sub pœna peccati mortalis revelare impedimenta, aliaque, quæ vergunt in damnum Communitatis, fidei, & publici boni, si certò sciant, & revelare negligant. Subditi enim tenentur obedire Superiori talia præcipienti, ex traditis à Bonacin. *tom. 1. disp. 6. tit. de oner. & obligat. denunc. punct. 1. §. 4. n. 3. & 5.*

Denunciationis factæ attestatio.

F O R M U L A V I.

Ego infra scriptus Archipresbyter Ecclesiæ N. testor, & fidem facio inter Misfarum celebrationem die festivo nomen, cognomen, & desiderium N. videlicet die ... mensis ... anno me denunciaffe, & promulgatis iis, quæ impedire possunt, quo minus idem N. ad Clericalem statum promoveri possit, omnes, & singulos monuisse, ut si quod notum haberent impedimentum, Christiana ducti charitate, & præcepto obedientiæ obstricti ad me deferrent, nullumque oppositum fuisse impedimentum. In quorum fidem mea manu interposito etiam juramento præsentis litteras subscripsi, & sigillo meo munivi hac die....

Ego N. Archipresbyter, seu Parochus &c.

Testimonialium Parochi complectentium omnia requisita pro minoribus Ordinibus.

F O R M U L A V I I.

Ego infra scriptus Parochus Ecclesiæ N. præsentibus litteris medio juramento testor N. Ecclesiæ meæ Parochiali adscriptum in collatione primæ Tonsuræ, & qui ad Hostiariatus, & Exorcistatus minores Ordines promoveri cupit, probis moribus præditum esse, Habitum, & Tonsuram Clericalem gestare solitum

litum esse decentem, semel in Mense Sacram Communionem sumpsisse, functionesque Clericales exercuisse, ac denique Doctrinam Christianam frequentasse, & assiduo labore huic exercitio incubuisse. In quorum &c. die &c.

N. Parochus Ecclesiae N

Testimoniales separatae pro eisdem minoribus Ordinibus.

F O R M U L A V I I I .

EGo infrascriptus Parochus Plebis N. testor quantum humana fragilitas nosse sinit N. Clericum ex mea Parochia, qui ad minores Ordines N.N. promoveri cupit, esse vitae integritate, bona fama, atque moribus praeditum, Habituque Clericali, & decenti Tonsura semper incessisse. In quorum fidem praesentes litteras testimoniales, etiam medio iuramento manu mea subscripsi, & mei sigilli impressione munivi hac die...

N. Parochus Ecclesiae N.

N. Testimonialium de perceptione Communionis.

F O R M U L A I X .

EGo infrascriptus Archipresbyter Ecclesiae Parochialis N. testor Clericum N. ex mea Parochia, qui ad minorem Ordinem N. promoveri cupit, frequenter, & praesertim primis saltem diebus Dominicis cujuslibet mensis Sacrosanctae Eucharistiae pabulo religiose refectum fuisse. In quorum &c. Datum &c.

Ego N. Archipresbyter &c. seu Confessarius.

Testimonialis de frequentatione Doctrinae Christianae.

F O R M U L A X .

S U M M A R I U M .

1 Clerici debent esse adscripti Societati Doctrinae Christianae.

EGo infrascriptus Parochus Ecclesiae N. fidem facio Clericum N. ex mea Parochia, qui ad Acolytatus Ordinem promoveri cupit, *Cathalogo confratrum* Doctrinae Christianae adscriptum, assiduo labore ad Doctrinam Christianam ediscendam, & edocendam incubuisse, & in diebus Dominicis, & festis incumbere. In quorum fidem praesentes testimoniales litteras etiam medio iuramento manu mea subscripsi, & mei sigilli impressione munivi, hac die...

Ego N. Archipresbyter &c.

A D N O T A T I O .

1. **CATHALOGO CONFRATRUM**. Supponitur

in formula, quod in Parochiali Ecclesia reperiatur erecta Sodalitas Doctrinae Christianae, quae juxta monitum Bullae B. Pii V. erigi debet in omnibus Parochia-

chialibus, & quòd Clerici in albo Confratrum reperiantur descripti, ut possint salutis dogmata alios docere, & condoceri: Cum non tantum indigeant hoc pabulo ligures montani, agrestes, & rudes, sed etiam qui mollibus vestiuntur, & in domibus Regum sunt, ignorantiamque, & caliginem hanc mentibus effusam, longè, lateque diffusam deploremus.

Testimonialis de exercitio Ordinis,
& servitio Ecclesiae.

FORMULA XI.

SUMMARIUM.

1 Clerici qui non deferunt Tonsuram, & Coronam patentem, non debent promoveri.

Clerici Beneficiati, & in Sacris Ordinibus constituti, si non deferant Tonsuram, & Coronam, peccant mortaliter, ibid.

Ego infrascriptus Parochus &c. testor Clericum N. ex mea Parochia, qui ad minorem Ordinem Acolytatus promoveri cupit, dictae meae Ecclesiae servitio adscriptum, functiones jam susceptorum Ordinum in Habitu Clericali, & decenti Tonsura, diebus festis in eadem Ecclesia devotè obisse. In quorum &c. Datum &c.

N. Parochus N.

ADNOTATIO.

1 **E**T DECENTI TONSURA. Quia non pauci, qui Clericali militiae nomen dederunt, verentur Clericalem Tonsuram, & Coronam patentem deferre, ac si Dominus, qui eos in partem suam vocavit, huiusmodi texera ignominia vestiret. Ideoque Episcopus si quos inveniat tali carere requisito, abstineat ab impositione manuum donec corrigantur, quia ex huiusmodi defectu magnum indicium oritur eos veram vocationem non habere ad Statum Ecclesiasticum, sed saecularis Iudicii fugiendi causa, & non Deo fidelem cultum praestandi hoc vitae genus elegisse. Sciantque Clerici Beneficiati, & Sacris Ordinibus

initiati, quod si non incedant in Habitu, & Tonsura decenti, & coronam non deferant, peccant mortaliter, ut tenent communiter Abb. in cap. Si quis de vit. & honest. Cler. & alii quamplures quos refert, & sequitur Sperell. decis. 66. nu. 12. Graff. dec. aur. p. 1. lib. 3. c. 3. n. 1. 2. 3.

Testimonialium Ludimagistri.

FORMULA XII.

SUMMARIUM.

1 Ludimagistri non possunt exercere, nisi ab Episcopo approbati fuerint, etiamsi ab Universitatibus Laicorum fuerint nominati.

Ego infrascriptus Ludimagister, qui approbatus, & emissa fidei professione Grammaticam, seu litteras humaniores doceo in loco N. Diocesis N. medio juramento fidem facio Clericum N. qui ad minores Ordines N. N. admitti cupit meam Scholam ab anno... usque ad... modestè frequentare solitum esse, & bona indole, bonisque moribus praeditum, & Christianè educatum esse, ac in litteris proficere. In quorum fidem mea manu praesentes subscripsi, & sigillo meo munivi. Datum hac die.

Ego N. Ludimagister loci N.

A D-

ADNOTATIO.

I **QUI APPROBATUS.** Potest Episcopus prohibere Ludimagistris exercitium Scholæ, quamvis fuerint nominati à Communitatibus Laicorum, nisi prius fuerint ab eodem approbati, ut respondit Sac. Congreg. Concil. in Asculana Apuliæ 28. Julii 1691.

Denunciationis pro Ordinibus Sacris.

FORMULA XIII.

SUMMARIUM.

I Clerici quando dicantur malæ vitæ, ut debeant ab ordinatione repelli.

2 In taxanda quantitate reddituum Beneficii pro titulo Ordinandorum non sunt detrahenda onera Missarum, si Ordinandus donec ascendat ad Sacerdotium pro rata Missarum aliunde habeat unde vivere possit, & num. 3.

4 Patrimonium pro Ordinando semel constitutum amplius revocari non potest prætextu, quod fuerit fictitiè donatum.

5 Patrimonium constitui potest à Patre, & Fratribus validè, etiamsi nihil donantibus remaneat pro victu.

6 Pater non potest donare uni filio Clerico pro patrimonio in præjudicium legitimæ aliorum filiorum.

Essendo che il Chierico N. di questa Parochia desidera d'esser promosso al Sacro Ordine del à titolo del suo Patrimonio (ò Beneficio, ò Pensione) in conformità del Sac. Concilio di Trento, e dovendosi questo suo desiderio manifestare à tutti. Perciò se alcuno sapesse, che il detto N. habbia qualche canonico impedimento, per il quale sia inhabile al detto Sacro Ordine, cioè che non fosse nato di legitimo matrimonio, ò fosse scomunicato, interdetto, irregolare, inquisito, querelato, processato, condannato, ò avesse altro difetto notabile personale, ò fosse di mala vita, e costumi, ò che non legitimamente possedesse il Patrimonio (ò Beneficio, ò Pensione) al cui titolo deve ordinarsi, consistente in Terreni posti nel Territorio.... vocabolo.... ò che non fosse di annua rendita libera di scudi... moneta corrente per la di lui congrua sustentatione, ò pure che il sudetto Patrimonio sia sottoposto al fideicommissò, obligato, ipotecato, ò finto, simulato, e fiduciario, ò che chi hà costituito il detto Patrimonio sia talmente gravato di debiti, ò pesi personali, che non li restino altri beni sufficienti per il sustentamento proprio, e della famiglia: per carità si prega, & in virtù di santa ubbidienza se gli comanda, che lo debba in termine d'otto giorni manifestare à me, acciò possa riferirlo al nostro Illustrissimo, e Reverendissimo Vescovo ò vero al di lui Vicario Generale, accioche non trovandosi nessuno degli sopradetti impedimenti possa il detto N. conseguire il detto Sacro Ordine, e questa è la prima Denuncia.

ADNOTATIONES.

I **DI MALA VITA, E COSTUMI.** Tunc diceretur promovendus malæ vitæ, & malis moribus imbutus, ut posset repelli ab Ordinum consecutione, si esset solitus arma portare, est enim res Clericis inhonesta cap. Convenientior 23. quæst. 4. si Tabernaculum frequentaret extra occasionem itine-

ris, si publicè aleis luderet, aut aliis ludis prohibitis tempus tereret, si haberet conversationem mulierum, si delectaretur frequenti venatione, Choreis, & commestationibus, si implicaret se negotiis sæcularibus: Circa quæ inquisitio Examinatorum, ut plurimum versari debet.

2. DI ANNUA RENDITA LIBERA DISCUDI. In digno-

scenda sufficientia redditus Beneficii illius, qui Ordines Sacros petit, Episcopi, sive eorum Vicarii animadvertere debent, quod in calculo introituum, non debent detrahi onera, si quæ habet Missarum, sed inspiciendus erit calculus omnium fructuum, oneribus Missarum non attentis, ad constituendam summam à Synodo, vel consuetudine Diœcesis requisitam: Nisi tamen in fundatione Beneficii cautum esset, quod in casu impedimenti, Beneficiatus teneatur per alium celebrare; & dummodo ordinandus donec ascendat ad Sacerdotium pro rata Missarum aliunde habeat, quo vivere possit, sic enim censuit *Sac. Congr. Conc. in Tiburtina Ordinationis 8. Julii 1690.* quam resolutionem confirmavit, & sequi posse declaravit etiam post Bullam novissimam Innocent. XII. ad tollendos abusus ordinandorum editam de mense Novembris 1694. *in Signina Ordinationis 14. Aprilis 1696. & in Neapolitana, seu Scalen. 19. Februar. 1701.* quod valde notandum videtur pro intelligentia illorum verborum in dicta Bulla *s. Licet verò contentorum, ibi - detrahis oneribus per se sufficiat:* quæ juxta sensum dictorum Decretorum referenda sunt ad alia onera, non verò ad obligationem, & onera Missarum.

3. Et cum huic ultimæ Decisioni, (ut verum fatear) meus intellectus non acquiesceret, quia mihi non videbatur consona *Textui Concilii sess. 21. cap. 2. de Reformation.* neque dictæ Bullæ, nec sententiæ aliquorum DD. nempe *Ricc. prax. for. Eccles. part. 3. resol. 354. num. 11. Capon. discept. 25. num. 26.* ex quo Ordinandus poterat ratione absentiæ, irregularitatis incurse, morbi incurabilis, vel delicti, se impotentem reddere ad celebrandas per se ipsum Missas Beneficio adjunctas, & ita per alium oneribus satisfactis, diminutionem reddituum pati, & amplius ratam pro congrua sustentatione non remanere, & sic di-

spositioni Concilii, & Bullæ non esse satisfactum: Nihilominus mihi ita opinanti respondebatur, quod lex respicit ad quod frequentius accidit, & non ad ea, quæ raro contingunt, *l. nam ad eass. de leg.* Ideoque cum promovendus regulariter per se ipsum satisfacere possit oneribus Missarum Beneficio adjunctis, bene verificatum remanet, quod habeat titulum validum, & sufficiens percipiendo integros Beneficii fructus. Cumque sapere non debeamus plusquam oportet, ut monet Apostolus, oraculo *Sac. Congregationis* standum erit.

4. **O FINITO.** Patrimonium semel constitutum non potest amplius revocari prætextu, quod fuerit fictitiè constitutum, & donatum, nec admittitur constituens, aut donans ad allegandam, & probandam fictionem, sed cogitur illud liberè ordinato consignare, sic respondit *Sac. Congr. Episc. in una Januen. 6. Septembris 1697. proponente Eminentissimo Colloredo.*

5. **CHE NON LI RESTINO ALTRI BENI.** Hic non abs re notandum est, quod Patrimonium Clerici non diceretur fictum, neque fiduciarium, neque insufficientis, si Patri unà cum Fratribus insimul donantibus nihil remaneret pro eorum victu, dummodo donatio sit realis firma, legitime facta, & tot honorum, ut fructus ascendant ad summam præscriptam in Diœcesi, prout advertit *Nicol. lucubr. Can. lib. 1. tit. 11. post num. 23. vers. & quod Patri.* ubi Decretum Congregationis allegat.

6. Quidquid sit quando solus Pater donat uni filio Clerico pro Patrimonio in præjudicium aliorum filiorum, non relicta eis legitima portione, ut distinguit idem *Nicol. lucubr. Civil. lib. 2. tit. 7. de donat. inter vir. num. 15. vers. immo filius, Ventrigl. prax. part. 1. adnot. 42. §. 1. num. 24.*

Testi-

Testimonialium Denunciationis pro Ordinibus Sacris.

F O R M U L A XIV.

EGo infra-scriptus Archipresbyter, &c. fidem facio, ac medio juramento attestor, qualiter vigore litterarum mihi à Reverendissimo D. N. Vicario Generali sub die...transmissarum, Clericum N. ex mea Parochia Sacro Ordine...in futura proxima ordinatione initiari cupientem ad titulum Beneficii Ecclesiastici sub invocatione N. annui redditus scut..... vel ad titulum Pensionis scut.... sibi reservatæ super.... vel ad titulum Patrimonii consistentis in uno Prædio sito in Territorio...vocabulo...annui redditus scut....denunciavi, ac illius nomen, & desiderium in dicta mea Ecclesia tribus diebus festivis, videlicet...inter Missarum celebrationem publicè proposui, promulgatisque iis, quæ impedire possunt, quominus ille ad prædictum Sac. Ordinem promoveri possit, non solum quoad illius mores, & natales, verùm etiam quoad qualitates Beneficii (seu Pensionis, seu Patrimonii) singulos monui, ut si quod cognoscerent, atque scirent canonicum impedimentum charitate Christiana, & præcepto obedientiæ ducti ad me deferrent, nullumque fuit oppositum impedimentum.

Testor item eum functiones Ordinum, quos jam recepit, in dicta mea Ecclesia, cui adscriptus reperitur, exercuisse, & tunc, & aliàs semper Clericalem Habitum, & Tonsuram decentem gestasse, Sacramque Eucharistiam primis Dominicis diebus cujuslibet mensis sumpsisse, Doctrinæque Christianæ exercitia frequentasse. Præterea bono testimonio de legitimis ejusdem natalibus, moribus, & vita à fide dignis, diligenti facta inquisitione, commendatur. De ætate verò ex libro baptizatorum sic constat (*& hic ponantur verba libri*) In quorum, &c.

N. Archipresbyter Ecclesiæ Parochialis N.

Si autem Archipresbyter, vel alijs Ecclesiæ Parochialis Rector, non valet, seu non vult omnia requisita unica attestazione complecti, tunc poterit uti formulis separatis supra positis pro Ordinibus minoribus, mutatis tantum nominibus, & Ordine. Et si requiratur pro Ordinando in Sacris etiam fides de frequentatione collationum casuum conscientiæ, tunc formula poterit concipi, & extendi sequenti, vel simili modo.

Testimonialium frequentationis conferentiæ casuum conscientiæ.

F O R M U L A XV.

S U M M A R I U M.

- 1 Conferentiæ casuum conscientiæ fiunt in loco ab Episcopo designato.
- 2 Ad Congregationes casuum conscientiæ coguntur omnes Confessarii Sæculares, cæteri hortantur, & num. 3.

EGo infra-scriptus ad præsidendum disceptationibus casuum conscientiæ fieri solitis ab Illustrissimo, & Reverendissimo D. nostro Episcopo in loco N.
De-

Deputatus, testor Clericum N. ex Parochia N. ad Sacrum Ordinem N. promovendi cupientem, eisdem ab anno.... usque ad.... continuò cum fructu spontè frequentasse. In cuius fidem has presentes litteras, etiam interposito juramento, manu propria subscripsi, ac sigillo meo munivi. Datum, &c.

Ego N. Præses collationum casuum conscientie loci N.

ADNOTATIONES.

1 **I**N LOCO N. Conferentia Casuum Conscientie, quæ pro Parochorum, & Sacerdotum Ruralium profectu ex dispositione Synodi Diocesanae sive Edicti Episcopi, sunt in locis Diocesis, sunt faciendæ in loco ab Episcopo arbitrando, & designando, non attento, quod locus ab Episcopo electus, & ad quem Parochi, & Confessarii etiam Dignitate insigniti debent accedere, & interesse, non sit dignior, & aliis prerogativis supra omnes decoratus, ut bis resolvit Sac. Congreg. Concil. in Forohvien. Januar. 1696. & 6. Julii 1697.

2 **S**PONTE. Ponitur in formula adverbium istud spontè ad ostendendum, quod Clerici, alique Sacerdotes Sæculares non Confessarii possunt quidem, & debent hortari, sed non cogi ad interessendum Casuum Conscientie conferen-

tiis, ut pluries declaravit Sac. Congr. Concilii, & novissimè in Civitatis Plebis 15. Martii 1692. in qua collatis Decretis, quæ ad invicem videbantur pugnare, ad Dubium propositum -- An Episcopus possit compellere Canonicos Confessarios, ceterosque Presbyteros Cathedralis sub pœna pecuniaria, ut accederent ad Congregationem Casuum Conscientie, responsum fuit -- Possesse compellere omnes Sacerdotes Sæculares Confessarios, etiam si Canonici sint, ceteros autem hortari.

3 Hæc resolutio, quæ cum antiquis Decretis relatis à Pignatell. consult. 18. tom. 8. à Panimol. decis. 1. annot. 18. num. 20. concordat, fuit deinde confirmata à Congregatione particulari Deputata in Vigilien. Synodi 20. Maii 1699. in responsione ad 35. Decretum, & iterum in Congregatione generali in Ariminen. 18. Julii ejusdem anni, & prius in alia Sancti Angeli Bisacciarum 15. Aprilis 1590.

Testimonialis Cancellarii de tit. Beneficii.

F O R M U L A XVI.

PER Præsentem fidem facio Ego infra scriptus Curie Episcopalis N. Cancellarius, Clericum N. qui ad Sac. Ordines promovendi cupit, habere Beneficium Ecclesiasticum in Ecclesia S. N. hujus Diocesis sub invocatione S. N. erectum, consistat ex litteris Collationis illi factæ per N. mihi exhibitis, illudque verè, & pacificè possidere, & esse annui redditus scut.... prout Testes super his à me formiter examinati deposuerunt: Testorque Reverendissimum D. Vicarium Generalem pronunciasse, & Decreto declarasse, præfatum Beneficium esse sufficiens, ita ut idem N. Clericus ad illius titulum Sacris Ordinibus initiari valeat, ut constat ex actis meis. In quorum fidem has litteras meo solito signo, meaque manu roboravi Die, &c.

Ita est Cancellarius Episcopalis.

Telli-

Testimonialis ejusdem de tit. Pensionis.

FORMULA XVII.
SUMMARIUM.

1 Episcopus non potest ordinare suum familiarem triennemem ad titulum

Pensionis, nec Patrimonii pro utilitate Ecclesie, sed requiritur Beneficium, & num. 2.

3 Potest ad titulum Pensionis, & Patrimonii ordinare Viros doctos, vel nobiles probatæ vitæ, quia his indiget Ecclesia.

Præsentibus litteris fidem facio Ego infra scriptus Curie Episcopalis N. Cancellarius, Clericum N. loci N. hujus Diœcesis, qui ad Sacros Ordines promoveri cupit, habere Pensionem annui redditus scut.... super Beneficio Ecclesiastico N. in Ecclesia N. sub tit. N. prout constat ex litteris ipsius Pensionis expeditis Romæ sub datum... mensis... anno... mihi originaliter exhibitis, eique dimissa copia collationata, restitutis, illamque verè, & pacificè exigere, & possidere, prout Testes super his à me formiter examinari deposuerunt, & apparet in actis meis. Testorque Reverendissimum D. Vic. Generalem Decreto suo pronunciaffe Pensionem præfatam esse sufficientem, ita ut idem N. ad illius titulum Sacris Ordinibus initiari valeat, quatenus Illustrissimo, & Reverendissimo D. nostro Episcopo, utilitate, vel commoditate Ecclesie videatur promovendus. In quorum &c. (ut supra.)

Ita est N. Cancellarius Episcopalis.

ADNOTATIONES.

1 **L**OCI N. HUIUS DIÆCESIS. Exteri, qui pensionem obtinuerunt super aliquo Beneficio Diœcesis Episcopi Ordinantis, non efficiuntur subditi ad effectum, ut illis Sacros Ordines sine Dimissoriis proprii Ordinarii conferre valeat, neque prætextu utilitatis Ecclesie, neque familiaritatis triennalis: sed attenda præsertim Bulla Innoc. XII. de qua supra in adnot. Formulæ XIII. mentionem fecimus, exigitur Beneficium in propria Diœcesi, ut declaravit, Sac. Congr. Concil. in Tricaricen. 27. Julii 1697. in qua proposito Dubio -- An stante novissima Constitutione Sanctissimi D. N. possit Episcopus familiarem triennemem ad titulum Patrimonii promovere ad Sac. Ordines ob necessitatem vel utilitatem Ecclesie nullo collato Ecclesiastico Beneficio: respondit: Negative: & est contra Garz. de benef. par. 2. cap. 5. num. 81. Barbof. in summ. decis. Apostol. collect. 353. num. 14. Tondut. de pens. cap. 34. num. 5. 6. & 16.

2 Et quod dicitur de Patrimonio pro-

cedit in titulo Pensionis, quia hæc nulum habet jus spirituale annexum, sed consistit in mera temporalitate, sicuti Patrimonium, & utrumque significat Concil. Trid. sess. 22. cap. 2. de refor. quidquid dicendum esset, præcisa dicta Bulla de familiari triennali, juxta sensum antiquarum declarationum Sac. Congr. Concilii supra d.c. 2. sess. 21. & sess. 23. cap. 9. de reform.

2 **PRO UTILITATE VEL COMMODITATE ECCLESIE.** Prosequendo explicationem clausulæ præcedentis, advertitur hic, quod titulus Pensionis non recipitur nisi servata forma Concilii Trid. cap. 2. de refor. innovata (ad tollendos abusus quamplurimorum Episcoporum, qui passim sine delectu admittebant absque ulla Ecclesie utilitate, vel necessitate ordinandos ad titulum Pensionis, & Patrimonii) à Sanctissimo terque Maximo Pontifice Innocent. XI. Decreto S. Congr. Concilii sub datum Romæ 3. Martii 1679.

3 Necessitas autem, vel saltem utilitas Ecclesie pro admittendo Patrimonio, vel Pensione regulariter concurrat, & altera adesse censetur, quoties agitur

agitur de promovendo Viro docto, vel nobili probatæ vitæ, & integritatis, quibus valdè indiget Ecclesia, *cap. super specula de præb. cap. cum ex eo de elect. in 6. Ricc. prax. for. Eccles. tom. 3. resolut. 457. num. 3. Ventrigil. prax. par. 2. adnot. 44. §. unico num. 29.* quod nota pro captando arbitrio Episcoporum, qui non semel rerum cortici hærendo, excusatione deficientiæ Beneficii, etiam hos ab ordinatione repellunt.

Testimonialis ejusdem de titulo Patrimonii.

F O R M U L A XVIII.

S U M M A R I U M .

- 1 Patrimonio constituto cum conditione, quod reverti debeat ad donantem, quoties ordinatus acquirat alia bona ad victum sufficientia, non revertitur sine Decreto subrogationis Episcopi, & num. 2.
- 3 Patrimonium non potest ab Ordinato alienari, quamvis habeat alia bona unde vivere possit sine licentia Episcopi.
- 4 Patrimonii possessio non sufficit, nisi percipiantur fructus.

PER præsentem testimoniales litteras omnibus fidem facio Ego infra scriptus, me die... mensis... anno.... rogatum fuisse de assignatione, & constitutione Patrimonii facta R. N. Clerico N. à N. quod consistit in.... & est annui redditus pro parte Domicali scut.... fidemque facio dictum Patrimonium à Reverendissimo D. Vicario Generali hujus Curia fuisse approbatum, itaut ad titulum illius d. N. ad Sacros Ordines promoveri valeat, si ita videbitur expedire Illustrissimo, & Reverendissimo D. Episcopo. Insuper testor supradictum N. verè, & pacificè dictum Patrimonium possidere, & fructus percipere prout Testes super prædictis à me examinati deposuerunt; & de omnibus plenè constat ex actis meis. In quorum &c.

N. Cancellarius Episcopalis.

Si autem Instrumentum constitutionis Patrimonii non esset rogatum ab ipso Cancellario, sed ab alio Notario, tunc in formula testetur de exhibitione Instrumenti mutatis mutandis.

ADNOTATIONES.

DE ASSIGNATIONE, ET CONSTITUTIONE. Sæpè in constitutione Patrimonii solet apponi conditio, quod si ordinandus esset provifus post ordinationem quandocunque de Beneficio, vel bona aliunde acquireret, ex quibus commodè vivere posset, tunc, & eo casu Patrimonium reverti debeat ad constituentem, vel ejus hæredes, quæ tamquam licita est admittenda, & servanda, ut tradunt Garz. de benef. par. 2. cap. 5. num. 169. Nicol. lucubr. can. lib. 1. tit. 11. num. 23. vers. limita secundò.

2. At per simplicem acquisitionem

Beneficii Ecclesiastici, sive aliorum bonorum, non extinguitur titulus Patrimonii antea assignati, nec perdit exemptionem à gabellis, neque revertitur ad constituentem: Sed est necesse quod ab Episcopo sive ejus Vicario Generali, Beneficium (utcunque ad victum sufficiens) sive bona per ordinatum acquisita specificè subrogentur ad instantiam ordinati, aut aliorum interessè habentium loco Patrimonii, cum ad eundem Episcopum spectet recognoscere, an Beneficium, sive bona ordinato perventa sint tuta, & sufficientia ad congruam illius sustentationem, ut rejecta contraria sen-

sententia, quam tenent Garz. de benefic. part. 2. cap. 5. n. 186. & alii, apud Bonacin. de Sacram. Ordin. disp. 8. par. 5. n. 41. firmant de veriori Barbof. de off. & potest. Episcop. alleg. 19. num. 90. Nicol. lucubr. can. lib. 1. tit. 7. de renunc. num. 5. Ventrigl. prax. part. 1. adnot. 42. §. 2. num. 3. ubi quod hæc sententia in praxi servatur, Panimol. dec. 6. annot. 3. num. 6. ubi Decretum Sacr. Congr. Immunit. allegat. ead. Sacr. Congreg. in Firmana 10. Julii 1540. lib. 3. decret. fol. 123. Civitatis Castellii 5. Maii 1648. lib. 4. fol. 49. à tergo.

3. Et hinc evenit, quod bona in Patrimonium assignata alienari, nec distrahi per ordinatum non possint, quamvis affectus fuerit Beneficium, vel alia bona sufficientia pro sua congrua sustentatione, antequam sequatur Episcopi subrogatio, & licentia, ut probant mox allegatæ auctoritates; quod est notandum, quia non pauci falluntur.

4. ET FRUCTUS PERCIPE-

RE. Non sufficit nuda, & sterilis possessio Patrimonii, ad cuius titulum quis promovetur, sed debet esse pacifica, & cum perceptione fructuum, Ventrigl. prax. par. 1. annot. 4. 2. §. 1. n. 8.

Testimonialium de Ordinibus collatis.

FORMULA XIX.

SUMMARYM.

- 1 Episcopus ordinando exterum debet in Testimonialibus mentionem facere de litteris Dimissoriis.
- 2 Et exprimere titulum, ad quem promovit, si contulit Sacros Ordines.
- 3 Ultramontanos non ordinat, nisi ad Formam Constitutionis Urb. VIII. Secretis, etiam si permaneret in Collegiis Italiae.

N. Dei, & Apostolicæ Sedis gratia Episcopus N.

UNIVERSIS, & singulis præsentibus nostras testimoniales litteras visu ris, & lecturis fidem indubiam facimus, & testamur qualiter Nos die mensis anni... Sabbatho quatuor temporum, generalem ordinationem habentes in nostra Ecclesia Cathedrali inter Missarum solemnia, dilectum in Christo N. (Cum litteris Dimissorialibus, sui Ordinarii, si est exterus) examinatum, approbatum, idoneumque repertum, per Examinatores à Nobis deputatos, ad Ordinem (si Ordo est sacer exprimat titulum ad quem ordinavit) juxtà Ritus S. R. E. & servata forma Sacr. Concil. Tridentin. ac Decretorum Sacr. Congregat. in Domino ritè promovimus. In quorum &c. Datum die....

N. Episcopus N.

Loco ✱ Sigilli.

N. Cancellarius Episcopalis.

ADNOTATIONES.

1 CVM LITTERIS DIMISSORIALIBVS. Quando ordinandus est exterus, semper Episcopus in Testimonialibus debet exprimere Monacelli Form. Paris.

Ordinem contulisse vigore litterarum Dimissorialium, de quibus si postmodum non appareat, adhuc ordinanti credendum esset, ut respondit Sacr. Congregat. Episcop. in Tarraconen. 29. Octobris 1592.

G 2. SER-

2. *SERVATA FORMA*. Si verò Episcopus conferat Ordinem Sacrum, debet pro forma in Testimonialibus exprimere titulum, ad quem promotum ordinavit, ad litteram *Text. in cap. si Episc. de præb. in 6.*

3. Et si agatur de Ultramontanis, Ordines conferre non debet, nisi illorum Dimissoria sint recognita, & approbata per Nuncios, seu Collectores Apostolicos, ad præscriptam formam Constitutionis 35. Urbani VIII. *Secretis*, quamvis ordinandi permanerent in Collegiis Italiae, *Sac. Congreg. Concil. in Bonon. 15. Martii 1692.* Indultum speciale non haberent.

Testimonialium Collationis primæ
Tonsuræ extrâ tempora.

FORMULA XX.

SUMMARIUM.

- 1 Ordines minores possunt conferri extra Missam etiam ab Episcopo non jejuno.
- 2 Ordinandi non est necesse, quod examinentur ab Examinatoribus Synodalibus.
- 3 Clerici in ordinatione debent adscribi *servitio Ecclesiæ*, & n. 4. 5. 6. & 7.

N. Dei, & Apostolicæ Sedis gratia Episcopus N.

UNIVERSIS, & singulis præsentibus nostras testimoniales literas inspecturis notum facimus atque testamur, qualiter Nos die . . . mensis . . . anni . . . particularem ordinationem celebrantes in Cappella . . . Dilectum in Christo N. omnia requisita habentem, examinatum per nostros *Examinatores deputatos* idoneumque repertum, prima Clericali Tonsura iniciavimus juxta ritum S. R. E. & servata forma *Sac. Concil. Trid. eumque servitio Ecclesiæ N. adscripsimus.* In quorum omnium fidem præsentibus nostra manu subscripsimus, nostrique sigilli impressione muniri jussimus. Datum &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIONES.

1 **I**N CAPPELLA. Nulla fit mentio in hac testimoniali de celebratione Missæ, sed dicitur ordinationem fuisse factam in Cappella N. ad demonstrandum, quod exceptis Ordinibus Sacris, qui de necessitate præcepti in Missa conferuntur, *cap. quod sicut de elect. tam* Prima Tonsura, quam etiam minores Ordines possunt absque Missa conferri, etiam à non jejuno, ut docent duo practici Episcopi, *Piasc. prax. Episc. par. 1. cap. 1. art. 9. num. 6. Ventigl. prax. part. 1. adnotat. 44. §. unico num. 8.*

2. **EXAMINATORES DEPUTATOS.** Non est necesse, quod Episcopus

in examine ordinandorum adhibeat Examinatores Synodales, sed potest aliis viris peritis hoc munus demandare, *ad Tex. clarum Concil. sess. 23. cap. 7. de reform.*

3. **SERVITIO ECCLESIAE N. ADSCRIPSIMVS.** In promotione Clericorum mandat *Concil. Trid. sess. 23. cap. 16.* quod Episcopus illos tantum assumat, quos utiles, & necessarios pro sua Ecclesia judicabit: & hinc oritur, quod servitio alicujus Ecclesiæ tempore collati Ordinis debeant adscribi, quicquid dicat in contrarium, *Garz. de benef. part. 2. cap. 5. num. 103.* ubi asserit, quod hæc adscriptio non sit in usu.

4. Nam iste non usus si fortè juxta asseritionem *Garz.* in aliquo Episcopatu irrepsit,

repsit, hoc evenire potuit ex incuria Episcoporum, quorum negligentia Concilii dispositionem non abrogat: Cum enim Concilium adscriptionem hanc fieri demandet non semel, nec perfunctorie, sed serio, imperativè, & in tota fere sess. 23. de Reform. sequitur, quod non usus non sit allegabilis propter clausulam sublatam, & decretum irritans, quod continetur in quolibet capite Concilii, ut notat Card. de Luc. adnot. ad Concil. disc. 1. num. 16. & de jurisd. dec. 42. n. 5. Rot. coram Duno. Jun. dec. 899. num. 7.

5. Præterea erronea suppositio Garz. destruitur ex resolutionibus Sac. Congregationis, quibus firmatur, quod Clerici, qui in ipsa Ordinum susceptione reperiuntur adscripti alicujus Ecclesiæ servitio, aliqua competenti mercede assignata, possint compelli ad serviendum, qui verò non fuerunt adscripti, debeant adscribi, secundum necessitatem Ecclesiarum, & si recusent, privati debeant privilegiis Clericalibus, ut videre est apud Nicol. lucub. can. li. 1. t. 22. n. 3. 4. & per rot. & iterum apud Pignatell. conf. 56. tom. 3. qui Nicolio non citato eadem Decreta licet ordine inverso transcribit.

6. Immo quod Episcopo non adscribente, teneatur Clericum petentem adscribere servitio Ecclesiæ, probat Barbof. i. sum. decif. Apostol. Collect. 45. nu. 1. Hincque patet, quàm dissonum sit, & à veritate alienum, quod per non usum sanctio Conciliaris circa adscriptionem Clericorum servitio Ecclesiæ utilitate plena, in desuetudinem abierit.

7. Idcirco Episcopus peracto examine Ordinandorum, habitaque notula ab Examinatoribus omnium approbatorum, illam in libro Ordinandorum ad id per Cancellarium parato, secundum Ordinum dignitatem conscribi faciat, & immediatè subsequens subscribat Decretum.

Decreti adscriptionis Clericorum servitio Ecclesiæ.

FORMULA XXI.

SUMMARIUM.

1. Post ordinationem debet publicari Decretum adscriptionis Clericorum servitio Ecclesiarum.

Nos N. Episcopus N.

Ordinationem generalem in hac nostra Cathedrali Ecclesia die crastina Deo dante habituri, supra descriptos tamquam utiles, & necessarios pro servitio Ecclesiarum nostræ jurisdictioni subjectarum, idoneosque, & habiles in examine repertos, ad primam Clericalem Tonsuram, Ordines minores, & majores respectivè promovere in Domino statuimus. Quocirca Decretis Sac. Concilii Trid. in hærentes, nunc pro tunc, & quando ordinati, & promoti jam fuerint, sciant eos (qui alias adscripti non sunt) fuisse, & esse per Nos adscriptos servitio infra scriptarum Ecclesiarum, in quibus, & alibi ubi jam adscripti forsan alias fuerunt, saltem diebus festis inservire, & functiones suorum Ordinum exercere debebunt, prout præsentis nostro Decreto (immediatè post ordinationem publicando) adscribimus, & illis inservire, & functiones Ordinum fungi mandamus, videlicet

- N. N. Clericus Primæ Tonsuræ Ecclesiæ Parochiali N. loci N.
- N. N. Clericus Acolytus Ecclesiæ Collegiatae N. loci N.
- N. N. Subdiaconus Ecclesiæ Collegiatae N. loci N.
- N. N. Diaconus servitio Ecclesiæ Cathedralis.

N. Episcopus N.

N. Cancellarius Episcopalis.

G 2 AD.

ADNOTATIO.

POST ORDINATIONEM PVBLICANDO. Debet supradictum Decretum adscriptionis publicari post ordinationem, ut promoti sciant in qua Ecclesia inservire, & functiones Ordinum ad prescriptum Concilii de mandato Episcopi exercere debeant, & postea in unaquaque Ecclesia, quæ habet Clericos servitio adscriptos, Tabella eorundem retineri in loco visibili: & ne de eorum adscriptione valeant ignorantiam allegare, fiat de ea mentio in Testimonialibus collationis Ordinis, ut in formula. Si quis autem illorum (ignorando humilitatem status sui) in-

tumescat, & dignitatem non merito, sed divitiis existimet, Ecclesiæque inservire erubescat, pars hæreditatis ejus transibit ad alienos.

Testimonialium Collationis Ordinum vigore Brevis Apostolici.

FORMULA XXII.

SUMMARIUM.

- 1 Indulta Apostolica recipiendi extra tempora Ordines Sacros dispositionem Sac. Conc. Trid. de non ordinandis ad titulum Patrimonii non relaxant.

N. Dei, & Apostolicæ Sedis gratia Episcopus N.

PER presentes cunctis testamur, qualiter Nos vigore Brevis Apostolici sub datum Romæ . . . legitime recogniti, & sub die . . . Nobis exhibiti in nostra Cathedrali Ecclesia dilectum Nobis in Christo N. Dominica, quæ fuit prima mensis . . . ad Subdiaconatus, die verò . . . quæ fuit festum S. N. ad Diaconatus, & postremò die Dominica, quæ fuit . . . ad Presbyteratus Sacros Ordines inter Missarum solemnias adhibitis solemnitatibus juxta ritum S. R. E. & servata forma Sac. Conc. Trid. ad titulum sui Beneficii ritè promovimus. In quorum, &c.

N. Episcopus N.

Loco ✠ Sigilli.

N. Cancellarius Episcopalis.

ADNOTATIO.

AD TITULUM BENEFICII. Indulta Sedis Apostolicæ recipiendi extra tempora Ordines Sacros, dispositionem Sac. Concil. Trid. de non ordinandis ad titulum Patrimonii, seu Pensionis, nisi ob necessitatem, vel utilitatem Ecclesiæ, non relaxant, prout declaravit Congregatio Deputata ab Innoc. XII. in Decreto super reformatione Indulgentiarum emanato 14. Decemb. 1693. quo Episcopi ad executionem hujusmodi Indulgentiarum minimè adstringuntur: quod denuo probavit idem Pontifex in Constitutione pro tollendis abusibus ordinandorum edita de mense Novembris 1694.

Testimonialium Ordinationis non habendæ.

FORMULA XXIII.

SUMMARIUM.

- 1 Episcopus ordinando Regulares, qui non sunt Diocesani, debet exigere Attestationem impedimenti Diocesani Episcopi.
- 2 Pœna privationis Officii, & vocis, quando incurratur ante sententiam declaratoriam n. 3. & 4.

Uni-

Universis, & singulis presentes litteras testimoniales inspecturis, notum facimus, & testamur qualiter in proximis quatuor temporibus futuri mensis . . . in hac Civitate N. neque in alio loco Diœcesis ob adversam valetudinem (sive aliud impedimentum, vel absentiam) Illustrissimi, & Reverendissimi D. mei Episcopi, Ordinationes non celebrantur. In quorum fidem &c. Datum &c.

N. Vicarius Generalis N.

Loco ✠ Sigilli.

N. Cancellarius Episcopalis.

ADNOTATIONES.

NON CELEBRANTUR. Hæc testimonialis debet exigi à Regularibus, quando petunt ordinari ab alio Episcopo, quàm Diœcesano, à quo solo juxta Decretum Sac. Congr. Concilii jussu, & approbatione Clementis VIII. editum, (de quo in formula indictionis Ordinationis habendæ supra mentionem fecimus) promoveri possunt, & debent.

2. Etenim non semel accidit (expertus loquor) quod hi ad effugiendum examen Episcopi Diœcesani, quem rigorosum timent, & ab eo reprobati reformidant, mitiorem, & indulgentiorem exquirant, illumque propterea absentem à Diœcesi, vel infirmum, aut impeditum, & Ordinationem non tenentem effingere non verentur, neque dubitant.

3. Et hoc faciunt quia eorum Provinciales, & Superiores de absentia, aut impedimento Episcopi Diœcesani, (pro-

ut tenentur ad formam dicti Decreti) nullam mentionem faciunt in litteris Dimissorialibus, sed illas dirigunt Diœcesano cum clausula illa æquivoca -- *vel eo impedito ad quemlibet alium*, ut videre est in formulis Dimissorialibus à Lantusch. extensis, & relatis in suo *Theatr. regular. in verb. ordo*. Et sic ordinandi Decretum Apostolicum facile eludunt, & Superiores pœnas in eo comminatas parvi faciunt, innixi sententiæ in ore serè omnium Authorum Regularium positæ, quod poena privationis officii, vocisque activæ, & passivæ ipso facto incurrenda in lege superioris imposta, & contenta, non obliget in conscientia ante sententiam declaratoriam super commisso crimine, de qua latè Passerin. *de elect. cap. 25. quest. 51. per tot.*

4. At falluntur, quia ubi crimen, & legis transgressio est notoria, ut in hac facti specie, declaratoria Judicis non requiritur, ut de communi testatur Fagnan. *in c. quod à Prædecessore n. 68. de Schismat.*

Testimonialis Cancellarii Ordinationis habitæ.

FORMULA XXIV.

EGO Cancellarius Curie Episcopalis N. infra scriptus. Universis, & singulis per presentes fidem indubiam facio, atque attestor, qualiter Illustrissimus, & Reverendissimus D. N. Episcopus N. die . . . quatuor temporum mensis . . . in Cathedrali Ecclesia N. existens, presentibus ibidem RR. DD. Dignitatibus, & Canonicis Capituli, aliisque Presbyteris inter Missarum solemnias, generalem Ordinationem celebrando juxta ritum S.R.E. & adhibitis solemnitatibus consuetis, servatisque Sac. Concil. Trid. Decretis, & Sac. Canonum

Monacelli Form. Pars I.

G 3 Con-

Constitutionibus, aliisque de jure servandis, infra scriptos ad minores, & majores Sacros Ordines ritè promovit, & ordinavit, videlicet

Ad primam Clericalem Tonsuram.

N. N. & N. N.

Ad Ostiariatus Ordinem.

N. N.

N. N.

Ad Lectoratus Ordinem.

N. N.

N. N.

Ad Subdiaconatus Ordinem.

N. N.

N. N.

Ad Presbyteratus Ordinem.

N. N.

N. N.

Prout latius ex libro Ordinandorum in hac Cancellaria legaliter retento constat. In quorum fidem &c. Datum &c.

Ità est N. Cancellarius Episcopalis N.

T I T U L U S I V .

De Litteris Dimissorialibus, Commendatitiis, & Testimonialibus.

Litterarum Dimissorialium pro prima Tonsura.

F O R M U L A I

S U M M A R I U M .

1 In Regno Neapolitano Dimissoriae diriguntur ad certum Episcopum.

2 Dimissoriae, ut quis possit promoveri à quocunque, non sunt concedendae sine justa causa.

N. Dei, & Apostolicæ Sedis gratia Episcopus N.

Dilecto Nobis in Christo &c.

UT tu, qui legitimis es procreatus natalibus, Sacramento Chrismatis delibutus, bonis moribus ornatus, fidei, legendi, & scribendi erudimentis imbutus, & ætate legitima constitutus, à quocunque Illustrissimo, & Reverendissimo D. Antistite ritè, & canonicè promotus, gratiam, & communionem Sanctæ Sedis Apostolicæ habente, quem idè adire malueris, ad primam Clericalem Tonsuram